

Diskursu husi Kathleen M. Fitzpatrick  
Ba Nia Seremónia Tomada Posse nu'udar Embaixadora Estados Unidos ba Timor-  
Leste

22 Dezembru 2017  
Auditóriu Burns Departamentu Negósiu Estranjeiru

Obrigada Sub Sekretáriu Shannon. Bemvindu Embaixadór Alves husi Timor-  
Leste, Sekretáriu Adjuntu INR Embaixadór Dan Smith, Enkaregadora Sekretáriu  
Adjuntu Susan Thornton – iha tempu badak ka dadaun ne'e, atualmente, nomeada  
nu'udar Sekretária Adjunta ba Diresaun Ázia Leste no Pasífiku – no ofisiais senior  
no distintus bainaka-sira hotu. No ba Fitzpatricks, Figueroas, McAllisters,  
Zelinskys, O'Gradys, Wortmans – hotu-hotu ne'ebé mai husi do'ok hodi mai  
hamutuk ho ita iha ne'e. No bemvindu ba ha'u nia belun no kolega-sira, imi hotu  
apoiantes ho laran-tomak ne'ebé mai iha ne'e iha loron Sesta molok feriadu boot  
liu fim-de-semana tinan ne'e nian. Obrigada barak mai ona iha ne'e hodi fahe  
momentu ne'e ho ami.

Sub Sekretáriu Shannon, ha'u onrada no agradece ba konfiansa ne'ebé Prezidente  
no Sekretáriu fó ona mai ha'u liu husi hatudu ha'u nu'udar Embaixadora Estados  
Unidos nian tuir mai ba Timor-Leste – no ba Senadu tanba konfirma ona ha'u ba  
pozisaun ida ne'e.

Ida ne'e sai ona jornada furak tebes ba ha'u nia familia no ha'u. Sein ha'u nia la'en Richard Figueroa, ne'ebé mós hanesan Ofisiál Servisu Negósiu Estranjeiru nian (no jurista ida no eis Diretór ba Ajénsia Asuntus Federál ba Puerto Rico iha Washinton), momentu ida ne'e se la sai posivel. Ami sai ona hanesan “kazál koñesidu” iha Servisu Negósiu Estranjeiru hahú husi tinan 1990. Nia halo ona posivel mai ha'u hodi hetan moris ida ne'ebé furak tebes, familia furak, no karreira ida ne'ebé dezafiante tebes no gratifikante. Ami mós orgullu tebes ho ami-nia oan feto sira, Elizabeth no Alexandra, ne'ebé partilla ona hamutuk ho ami jornada ida-idak iha fatin-sira hanesan Moskovu, Bruxelas no Madrid – no ami-nia moris iha knaar-sira iha Washinton ne'e. Obrigada ba imi nain rua.

Ha'u mós hakarak atu fó bemvindu ba ha'u-nia familia sira. Ha'u nia maun-alin sira Mike no Tom Fitzpatrick, ha'u-nia kuñada-sira Laura no Terry, sobriña no sobriñu lubuk ida, no ha'u hanoin iha tan beioan sira iha sala ida ne'e, no ha'u-nia primu-sira. Ha'u labele husu liu tan familia ida ne'ebé fó apoiu no domin hanesan sira ne'e. No hamutuk ho sira ha'u hakarak temi ha'u-nia tia Judy McAllister, ne'ebé ohin loron iha ne'e tanba nia direitu tomak maibé mós representa ha'u-nia Inan no Aman ne'ebé mate ona tinan neen liubá. Ha'u-nia inan-aman sei orgullu tebes ba momentu ida ne'e. Ami saudades ami-nia Inan liu-liu iha tempu tinan hanesan ne'e. No ami-nia Aman, ne'ebé mak veteranu Funu Mundial II, serbí iha

forsas armadas nia korpus aéreas iha funu no sai dunik POW (Prizoneiru Funu nian) durante tinan ida ho baluk – nia mak erói ida ba ita ba ninia servisu no devosaun ba nasaun, devér, no família.

Ha'u mós hakarak atu fó esklamasaun boot ida ba iha Figueroa-sira – sira barak mak hela iha Puerto Rico no St. Thomas – hela atravesa difikuldade Furakaun Maria nian ho dignidade no orgullu. Sira reprezentadu ohin iha ne'e husi Richard nia maun-alin nain tolu – Dr. Edgar Figueroa no ha'u-nia kuñada Jerri – no ami-nia sobriña Liliana no ninia la'en Gilberto, ne'ebé mai hamutuk ho ita husi South Carolina. Ita mós hatene katak Richard nia inan-aman sira mós iha ne'e liuhusi sira-nia klamar.

No agora Richard no ha'u laran-ksolok atu tama iha ami-nia família boot foun tanba ami representa Estados Unidos iha Timor-Leste. Embaixadór Alves, ha'u asumi knaar foun hanesan Embaixadora Estados Unidos América ho respeito boot ba povu Timor-Leste no sira-nia susesu-sira. Timor-Leste, hanesan Embaixadór Shannon hatete, nu'udar nasaun foun liu Ázia nian. Paíz ne'e hatudu ona katak iha possibilidade ba nasaun foun ida atu mosu husi konflitu iha tinan barak nia laran hanesan nasaun ida ne'ebé ho susesu harii nia fundasaun-sira tuir prinsípius

demokrátikus nian. Timor-Leste ho Estados Unidos fahe amizade ida ne'ebé bazeia ba valór komún sira ne'e, no ita-nia relasaun bilaterál sira sadere ba respeito no admirasaun ba malu.

Hanesan Sekretáriu Tillerson hatete iha mensajen ba Loron Independénsia Timor-Leste nian: "Independénsia tinan sanulu resin lima hanesan marku notável ida, refleta determinasaun no kompromisu povu Timor-Leste nian hodi harii demokrasia foun ida ne'ebé bazeia ba respeito ba direitos umanus no estadu-de-direitu. Ita iha kompromisu atu hakle'an relasaun entre povu Amerikanu no Timor-Leste ba tinan sira tuir mai." Ha'u sei halo serbisu hodi kumpre ita-nia kompromisu atu hakle'an relasaun di'ak ho nasaun ida ne'ebé hetan tiha ona ita-nia respeito no hili dalan rasik nu'udar estadu demokrátiku no reziliente ida, hanesan hatudu ona ho ezemplu iha tinan ida ne'e Timor-Leste hala'o eleisaun prezidensiál no parlamentár ho dame, kredível no justu ba dala uluk la ho forsas manutensaun páz ONU nian.

Hanesan país demokrátiku ida iha viziñansa ida-ne'ebé estratéjiku, Timor-Leste mós sai dadaun lian importante ida iha rejiaun ne'e no internacionalmente. Ita-nia kooperasaun hamutuk sei harii kapasidade ba instituisaun demokrátika sira ne'ebé

forte liu tan, kresimentu ekonómiku inkluzivu, no seguransa ne'ebé di'ak liu tan ba ita-nia nasaun rua ne'e.

No ida-ne'e lori hikas fali ha'u agora ba Departamentu Estadu no ita-nia família Departamentu Estadu nian. Ha'u agradece tebes ba mentor-sira ne'ebé apoia tiha ona ha'u iha ha'u-nia kareira tomak, sira barak ne'ebé iha fatin ne'e iha loron ida ne'e. Hanesan Sekretáriu Adjuntu Dan Smith, laho nia ha'u sei la bele hamriik iha ne'e ohin loron, no ha'u apresia tebes imi hotu-hotu nia matadalan no apoiu iha tinan tolu ho balu-sira ne'ebé ita serbisu hamutuk. Obrigada. No mós ita-nia eis DCM iha Madrid, Bob Manzanares, no ita-nia diretór – nia iha ne'ebá, ha'u hatene katak nia sei iha ne'e – no ha'u fiar ita-nia diretór kona-ba Asuntu Polítiku Nasoens Unidas nian durante Funu Golfu dahuluk, ha'u-nia belun di'ak no kolega Molly Williamson, no ema barak sira seluk tan. Ha'u aprende husi imi valór sira kona-ba lideransa, integridade no servisu. Tan ne'e, obrigada barak. Ha'u mós benefisia tiha ona ho apoiu konstante no atensiozu husi kolega sira ne'ebé barak tebes durante lalaok tomak jornada ida-ne'e nian. Ema sira ne'ebé serbisu ona iha ha'u-nia gabinete-sira, ema sira ne'ebé serbisu tiha ona hamutuk iha rai-li'ur, belun sira-ne'ebé hamutuk ona ho ha'u dezde tempu inisiál, até ha'u-nia aula dahuluk lian Olandeza, ne'ebé mak lian estranjeira dahuluk ne'ebé ha'u aprende iha Servisu Negósiu Estranjeiru nian, hotu-hotu representadu iha ne'e. Ha'u bele la halo ida-

ne'e sein imi hotu-hotu no ha'u la bele selu imi ba buat hotu ne'ebé imi halo tiha ona. Imi hetan ha'u-nia respeitu makaas ba imi-nia dedikasaun, laran-luak, no patriotismu. Ha'u hein katak imi hotu-hotu "hatutan ba oin" ba ema seluk iha imi-nia kareira tomak tanba ita hamriik hamutuk hodi garante vitalidade no relevánsia husi diplomasia Amerikana nian no Departamentu Estadu, lori ba oin intereses Estados Unidos nian iha mundu tomak.

No kona-ba ne'e, ne'e hanesan prazer boot ida hodi bele ba tama ba ekipa foun ida Departamentu Estadu nian iha Diresaun Ázia Leste no Pasífiku. Ha'u agradese ba apoiu Enkaregadora Sekretária Adjunta Susan Thornton no ninia ekipa, no liuliu ba apoiu hotu-hotu ita-nia ofisiál Sarah Quinzio no Postu nia Ofisiál Jestaun, Teddy Brosius. Ha'u mós hakarak atu agradese Jen Wicks, Janie Esteva, Embaixadór Scott DeLisi no ita-nia kolega iha Eskritóriu Prezidensiál ba Nomeasoens. No obrigada ba ha'u-nia kolega iha Asuntus Kongresu nian, Aakash Bhatt no Tiffany Reeser, ne'ebé laho sira ha'u sei la hetan konfirmasaun husi Senadu, ha'u bele hatete ba imi. No ba ha'u-nia ekipa foun iha Timor-Leste – ita iha buat barak atu halo hamutuk no ha'u orgullu atu serbí hamutuk ho imi!

Ikus liu, karik ha'u bele, Sr. Embaixadór ha'u hatene ita-boot iha buat barak iha ita-nia ajenda, maibé, ha'u hakarak atu dehan de'it liafuan balu kona-ba saida mak ita halo iha fatin ne'e iha Departamentu Estadu no kona-ba importánsia husi servisu ida ne'e. Bainhira ha'u sei iha semináriu Embaixadór nian, ho tantu nomeadus husi Departamentu Estadu no lá'os Departamentu Estadu, ami ko'alia kona-ba signifikadu saida ba ita-sira iha Departamentu Estadu ne'e, tantu Servisu Negósiu Estranjeiru ka Funsau Públika, kona-ba serbí ita nia nasaun. Hafoin liu tiha semana balun nia laran, ha'u tenke esplika kona-ba ne'e ba grupu Eskuteiru ida husi labarik tinan 8 too 10 – obrigada Bryan Knowles – tan ne'e, ha'u hanoin barak ona kona-ba ne'e. Ha'u esplika ho di'ak tebes ba Eskuteiru Labarik sira iha minutu dahuluk iha minutu 15 nia laran – ha'u manan dunik sira-nia laran. Maibé, loos dunik, ita espresa ita-nia devosaun ba ita-nia servisu no ba ita nia nasaun liuhusi ita-nia dedikasaun loron-loron. No ita-nia patriotismu loloos iha ita-nia fuan-laran. Ita haree ona katak bandeira Amerikana semo lemorai iha mundu tomak – no nia nunka falha atu halo ita-nia fuan tuku-tuku ka mataben suli iha ita-nia matan-sira. Ita hatene katak bandeira maka naroman ida esperansa nian ba ita hotu-hotu no ba ema barak iha mundu tomak ne'ebé buka iha Estados Unidos lideransa demokrátika no forsa iha mundu ida ne'ebé dala ruma iha rungu ranga nia laran. Tan ne'e, ha'u sei ho orgullu serbí iha bandeira Amerikana ida ne'ebé sei sae hamutuk ho bandeira Timor-Leste nian – representa nasaun rua ne'ebé kaer-metin

ba liberdade no demokrasia no hakarak dunik atu halo serbisu makaas iha ita nia nasaun rua nia laran no iha arena internasionál atu garante valór kaduak hirak ne'e metin ba nafatin.

No ikus liu, loron-loron iha Timor-Leste bainhira ha'u asumi ona ha'u-nia responsabilidade-sira nu'udar Embaixadora foun Estados Unidos Amérika nian no líder ba ita nia ekipa iha ne'ebá, ha'u sei hatutan liafuan husi ha'u nia DCM estimadu ida, ne'ebé hahú kada loron fó-hanoin ba ami katak maski dezafiu saida deit mak ita hasoru iha loron ne'e, "Ne'e loron di'ak tebes hodi sai Amerikanu ida, ne'ebé serbí ita nia nasaun iha rai-li'ur."

Obrigada barak.